



**unga siunnersuut: Suliffissarsiornermut ikorsiissutit pillugit Inatsisartut inatsisisaat aamma  
uunga siunnersuut: Pisortanit ikorsiissutit pillugit Inatsisartut inatsisisaattut siunnersuut  
(Isumaginninnermut, Suliffeqarnermut Nunamullu Namminermut Naalakkersuisoq)**

## Siullermeernera

Suliffissarsiortunut ikorsiissutit pillugit aamma Pisortanit ikorsiissutit pillugit Inatsisartut inatsisisaanut siunnersuutit ataqtigisiillugit Naalakkersuisut saqqummiussaannut qujalluta oqaluuserisassangortillugit suliakkiissutaasut immikkoortut 23 aamma 24 Naleqamiit ataatsimoortillugit imaattumik oqaaseqarfingissavagut.

Naalakkersuisut oqaatigaat suliffissarsiortunut ikorsiissutit aamma Pisortanit ikorsiissutit pillugit taakku siunnersuutit suliffissarsiormalernissamut aamma pitsanngorsaataallutik innuttaasut atugaasa pitsanngorsarneranni siunnerfilersorneqarnerannilu kaammattuutaassasut.

Aaqqissusseqqinnermut siunnersuutit siunertaat tassaasut inuiaqtigijinnik imminut napatissinnaanermut pilersueqataasinnanermullu periarfissaqartinneqarniarnerat aallaavigalugit Naalakkersuisunit siunnersuutit marluk ataatsimoortillugit Inatsisartut inatsisisaattut siunnersuutigineqartut Naleqqamiit immikkoortilaarlugit imatut oqaaseqarfingissavagut.

Siullertut suliffissarsiornermut ikorsiissutinut tunngasoq.

Siunnersuut imatut naalisarlugu paasisassaavoq, suliffissaaleqisoq Majoriamut suliffissarsiortutut ornigulluni nalunaassaaq, tassanilu siullermeeluni pisartakkat pisinnaassallugit, qinnuteqartoq CV-ni suli.gl nutartersimassavaa, sapaatillu akunnerani ataasiarluni NemId atorlugu suliffissarsiortutut nalunaartassalluni. Tassunga tunngatillugu eqqarsariarnarpoq nutarterinissaminni periarfisaqanngitsut aamma NemId-mik peqanngikkuni qanoq taakkua pissappat aamma qanoq sukkatigisumik ikiorneqassappat ilitsersorneqarlutillu, innuttaqarpugummi suli tamakkuninnga atuinissaminnik sungiussisimanngitsunik kiisalu internetseqanngitsunik.



Sulisussarsiornermut ikorsiissutinik pisartagalik iliuusissatut suliniutissani allassavaa sapaatillu akunnerit sisamat komunalbestyrelsimit suleqateqarluni iliuusissatut pilersaarut sularineqassaaq nalilersorneqaqqituassallunilu. Atorfimmut naleqquttumut qinnuteqaateqassaaq, suliffimmullu sungiusarnissamut neqeroorut piginnaanngorsarnissarlu suliffissarsiortup akuerissavaa Majoriamullu ataatsimiigiaqqussut eqqortittassallugu. Pisussaatitaaffinnilu eqqortinngippagu suliffissarsiortermet ikorsiissutit sapaatit akunnerit sisamanik 50%-inik ikilisinneqassapput, akunnerinilu taakkunani suliffeqarfinni pissarsiarineqarsinnaasutut isigineqassanani. Ukiumullu sisamariarluni pisussaataaffini malissimanngikkunigit suliffissarsiortunut ikorsiissutit annaasussaassavai, taava pisortat ikorsiissutaannut qinnuteqassaaq, tamanna aamma ilaatigut nalilersoqqittariaqarami, tassami suliffissarsiortup pisussaatitaaffiit tamakersimanngikkunigit pisortat ikorsiissutaannut miloriutiinnassallugu aamma ajorami.

Napparsimanermik akissarsianik pisartagaqarsinnaanngitsut suliffissarsiortermi ikorsiissutinik piffissami utaqqiisaasumik pisartagaqarsinnaapput, aamma ajunaarnersuaqarnermi piffissami killilimmik pisartagarsinnaallutik. Suliffigisaminniit piffissaq sivikitsoq utaqqiisaasumik angerlartinneqartut suliffissarsiortutut pisartagaqarsinnaapput, tamannali ullormit tassanngaanniit elektroniskiusumik nalunaarsortinnissamut periarfissaqarput, tassani iliuusissatut pilersaarusiortoqassanngilaq. Suliffissarsiortermi ikorsiissutini aapparisap isertitaa apeqqutaassanngilaq.

Suliffissarsiortermet ikorsiissutit imatut paasineqassanngillat isumaginninnermut ikorsiissutaasut, kisiannili inummut isumannaallisaataapput, tassani tunngaviuvoq innuttaasup inissisimanini pitsanngorsarniarlugu iliuuseqarnissamik pisussaaffeqarnera.

Tassa una aaqqissusseqqinnej inummut peqqinnarnerulissasoq, ilaquaasalu avatangiisaasa pitsaanerulernissaat peqqinnarnerusumillu inooriaaseqalernermik kinguneqassasoq aammattaaq inuunerminnik paasinninnerulerneranni inuummarinnerulernerannilu kinguneqassasoq oqaatigineqarpoq.

Ataatsimut isigalugu amerlanerusut suliffeqalersinnaanissaat aamma piitsuussuseq annikillisinniarnera kiisalu imminut pilersorneq akisussaassuseqarnerlu anguniagaavoq.



Tassa pingaarnertut anguniagaavoq Kalaallit Nunaanni inuiaqatigiit imminut napatissinnaasut.

## Aappaattut pisortanit ikorsiissutinut tunngasoq.

Pisortanit ikorsiissutit pillugit siunnersuummi aamma aaqqissusseqqinnej ilaavoq, amerlanerit suliffeqalersinnaanissaat aaqqissusseqqinnerup tapersersussavaa, piitsuussuseq annikillisarniarneranut suliffeqalernissamullu kajumissuseqarnerulernissamut periarfissiillunitaaq. Tassa uani aaqqissusseqqinnermi pisariaqartinneqarput sulisinnaassuseq annertusarnissaa kiisalu ilinniakkamik aallartiaartalernissaq. Uani pingaaruteqarluinnarpoq meeqqat piitsuullutik peroriartornissaasa akiornissaanut aaqqissusseqqinnej iluaqutaanissaa.

Pisortat ikorsiissutaannik pisartut inuunermanni atugarisaminnik namminnej pitsangorsarnissaminneq akisussaassuseqalernissaat aaqqissusseqqinnerup peqataaffigissavaa, pisariaqarpallu imminut pilersorsinnaaneq aamma ilaalluni.

Naalakkersuisut sulinissamut innuttaasunut ikorsiissutinik pisartunut kajumissuseqarnerulersiniarnerat tusaavagut tapersorsorsinnaallutigillu ilai ilaallu nalileroqqittariaqartutut isigalutigit.

Immikkoortoq 23-mi siunnersuummut nassuaammi qupperneq 8 qulaani eqqaaneqartoq una:

*” ....tassa aaqqissusseqqinnermi innuttaasut suliffissarsinissaannut suliffeqaannarnissamullu, piginnaanngorsarnissaannut ilinniagaqarnissaannullu aamma najukkanut suliffissaqarfiusunut nuunnissaannut kajumissuseqalersinneqassammata.”*

Inatsisitaani § 13-miippoq. Tassunga tunngatillugu uagut Naleqqamiit Naalakkersuisut kajumissaarusunneruagut najugaq qimanngikkaluarlugu suliffinnik nutaanik pilersitsiniarlutik ujartuinerunissaannut, taamaalillutik innuttaasut aamma najugaq toqqisisimaffigisartik qimanngikkaluarlugu suliferfissaqartinneqarlutik nuutitaanissaminnut kajumissuseqalersinniarneqassanngikkaluararmata. Taamatut oqarnitsinni ilaatigut peqqutigaarput najukkami tessani innuttaasut ikiliartuinnarnissaat ernumanartikkatsigu. Innuttaasoq nuunnissamut kajumissuseqalersinneqarsimalluni najukkani qimallugu aallartitaappat ornitassamini suliffissaqartinneqarlni inissaqartinneqarpat, najukkamini inimi attartorsimaguni nuuffissaminut



akitigut appasinnerusumiissimalluni kisiannili nuuffimmini initaaminullu taamannaannaq akiliisalertussanngorluni, tamakkut qanoq pineqarnissaat paaserusunnarpoq, taava najukkami inikumini akiliisarnerattut nuuffimminut inimut akiliisalernissaannut nikingassutaani tapiisalertussaassanersusi paaserusunnarportaaq. Inuit najukkaminni namminneq illuuteqarsimappata qaammammut kiassarnermut qullermullu taamaallaat akiliisarlutik taava aamma taakku qanoq pineqassanersut paaserusunnarpoq, tassami suliffissaqarfiusumut nuulerpata nammineq illuutertik illoqarfimmut anginermut nassarsinnaanngilaat. Suliffissaqarfiusumut nuunniassaminnik kajumissaarneqartalissappat nuunnermi atukkat pitsaatinnissaat qulakkeeqqaartariaqassapput, soorlu inissat tungaatigut, meeqqueriviit, atuarfiit il.il.

Inuk suliffeqanngitsoq suliffissarsiorluni nalunaarpal tulluartumilu suliffissaqanngippat najukkamut suliffissaqarfiusumut nuunniassaant kajumissuseqalersinneqarnissaa anguniassallugu, tassa nuna asasaa toqqissimaffialu qimatsissallugu. Tulluartinneruarput Naalakkersuisut ilissi najukkami tassani suliffissanik nutaanik kajumissuseqarnerullusi ujartuinissarsi, aamma najukkami innuttaasut suliffissanik nutaanik ammaanissaminnut kajumissuseqarnerunissaannut suliaqarnerunissarsi, kajumissusillit suliniartullu isigalugit kajumissuseq takkuttarpoq taamaalillusi aamma maligassiuissagaluarpu. Innuttaasut malinnaavigineqarlutik misigisussaassapput iliuuseqaqataanissaminnullu kajumissuseqalerterulernissaat Naleqqamiit ilimagilluinnarparput.

Najugaq qimanngikkaluarlugu arlaatigut iliuuseqartoqarsinnaaneranut tunngatillugu meeraallungali oqaaseq tusartuagara naggataatigut tulluartillugu oqaatigilara una:

”Tamatigut ataasinnguamilluunniit aaqqiissutissamik sumiluunniit peqartuaannarpoq, ujartuigit nanillugulu”.

Taama oqaaseqarluta siunnersuutit ataatimiitilaliamut susassaqartumut ingerlateqqippagut, ataatsimiititaliarlu siunnersuutinut oqaloqatigiilluarnissaannut sulilluarnissaanullu kissaapparput.